

Monsieur.

J'ay eu l'honneur de recevoir la vostre du 14<sup>me</sup> Novemb.  
joint avec celle de Son Alt: laquelle m'a bien donné  
la larme, s'il y a eu faulte en quelque chose, ie me  
iette entre Vos bras, Sachant que par Vostre sage  
et discrete direction, tout se raccommoiera aupres  
de Son Alt: Mon Maistre, en mon advantage,  
Monsieur, mes affaires Domestiques icy, sont en tel  
desordre, et peril, que si en cas ie n'aille point moy  
mesme à la Court Imperiale, tout se perdra, c'est par  
cela, que ie prie Son Alt: tres humblement, come ie  
fay aussey à Messseigneurs les Etats Generaux, de me  
vouloir consentir, de faire le susdit voyage, come aussey  
une lre de Recomandation. à Sa Majesté Imperiale,  
je ne demande autres choses, ce qu'il me semble estre  
iuste, qu'il plaise à Sa Mat: que le dernier Testament,  
de feu Mon Pere puisse demeurer, en effect, et en son  
entier, ou q<sup>z</sup> Sa Majesté ordonne des Commissaires, lesquels  
sans aucun delay, nous accordent, car la Princesse de  
Ligne n'a point de honte de mentir come tous les  
Diablies; et par ce moyen Elle procure contre moy, des  
mandats tres prejudicables; Monsieur, je vous prie  
excuser ma franchise, car aussey bien, ie suis et  
demeure à jamais;

Monsieur

Vostre tres humble  
serviteur.

Maurice Comte  
de Nassau

24  
Siegen le 31<sup>me</sup> Decemb.  
1647

*[Faint, illegible handwriting, likely bleed-through from the reverse side of the page.]*



*Open*



*A Monsieur;*

*Monsieur de Zúlichem;  
Conseiller, et Secrétaire de  
Son Alt:*

*à la Haye.*